

第七五册目次

阿毗達磨發智論二十卷(二)	唐玄奘譯	一
阿毗達磨法蘊足論十二卷	唐玄奘譯	一二〇
阿毗達磨集異門足論二十卷	唐玄奘譯	二六七
阿毗達磨識身足論十六卷(一)	唐玄奘譯	四七九

阿毗達磨發智論卷第十三

兄三

尊者迦多衍尼子造三藏法師玄奘奉詔譯

大種蘊第五中大造納息第一

大種所造處 幾四二五三 大造成不成

成大對造四 唯成所造四 大種等七種

依定滅住果 此章願具說

大種所造處幾有見荅一幾無見荅八二少

分幾有對荅九一少分幾無對荅一少分幾

有漏荅九二少分幾無漏荅一少分幾有爲

荅九二少分幾無爲荅無幾過去荅十一少

分幾未來荅十一少分幾現在荅十一少分

幾善荅三少分幾不善荅三少分幾無記荅

七三少分幾欲界繫荅二九少分幾色界繫

荅九少分幾無色界繫荅無幾學荅一少分

幾無學荅一少分幾非學非無學荅九二少

分幾見所斷荅無幾修所斷荅九二少分幾

不斷荅一少分

若成就大種彼成就所造色耶荅諸成就大

種彼定成就所造色有成就所造色非大種
謂諸聖者生無色界若不成就大種彼不成
就所造色耶荅諸不成就所造色彼不成就
大種有不成就大種非所造色謂諸聖者生
無色界若成就大種彼成就善色耶荅應作
四句有成就大種非善色謂處外殼若諸異

生住胎藏中若生欲界住不律儀及非律儀
非不律儀無善身語表設有而失有成就善
色非大種謂諸聖者生無色界有成就大種
亦善色謂諸聖者住胎藏中若生欲界住律
儀若住不律儀及非律儀非不律儀現有善
身語表或先有不失若生色界有非成就大
種及善色謂諸異生生無色界

若成就大種彼成就就不善色耶荅諸成就
不善色彼定成就大種有成就大種非不善色
謂處外殼及住胎中若生欲界住律儀及非
律儀非不律儀無不善身語表設有而失若
生色界若成就大種彼成就有覆無記色耶

答諸成就有覆無記色彼定成就大種有成就大種非有覆無記色謂生欲界若生色界現無有覆無記身語表

若成就大種彼成就無覆無記色耶答如是設成就無覆無記色彼成就大種耶答如是若成就大種彼善不善色耶答有成就大種

兄三

二

非善不善色謂處外穀若諸異生住胎藏中若生欲界住非律儀非不律儀無善不善身語表設有而失有成就大種亦善色非不善色謂諸聖者住胎藏中若生欲界住律儀無不善身語表設有而失若住非律儀非不律儀現有善身語表或先有不失無不善身語

表設有而失若生色界有成就大種亦不善色非善色謂生欲界住不律儀無善身語表設有而失若住非律儀非不律儀現有不善身語表或先有不失無善身語表設有而失有成就大種亦善不善色謂生欲界住律儀現有不善身語表或先有不失若住不律儀

現有善身語表或先有不失若住非律儀非不律儀現有善不善身語表或先有不失設成就善不善色彼成就大種耶答如是

若成就大種彼成就善有覆無記色耶答有成就大種非善有覆無記色謂處外穀若諸異生住胎藏中若生欲界住不律儀及非律

儀非不律儀無善身語表設有而失有成就大種亦善色非有覆無記色謂諸聖者住胎藏中若生欲界住律儀若住不律儀及非律儀非不律儀現有善身語表或先有不失若生色界現無有覆無記身語表有成就大種亦善有覆無記色謂生色界現有有覆無記

兄三

三

身語表設成就善有覆無記色彼成就大種耶答如是若成就大種彼成就善無覆無記色耶答有成就大種亦無覆無記色非善色謂處外穀若諸異生住胎藏中若生欲界住不律儀及非律儀非不律儀無善身語表設有而失有成就大種亦善無覆無記色謂諸

聖者住胎藏中若生欲界住律儀若住不律儀及非律儀非不律儀現有善身語表或先有不失若生色界成就善無覆無記色彼成就大種耶答如是若成就大種彼成就就不善有覆無記色耶答無若成就大種彼成就就不善無覆無記色耶答有成就大種亦無覆無記色非不善色謂處卯穀及住胎藏中若生欲界住律儀及非律儀非不律儀無不善身語表設有而失若生色界有成就大種亦不善無覆無記色謂生欲界住不律儀若住律儀及非律儀非不律儀現有不善身語表或先有不失設成就就不善無覆無記色彼成就大種耶答如是

覆無記無覆無記色彼成就大種耶答如是若成就大種彼成就善不善有覆無記色耶答無
若成就大種彼成就善不善無覆無記色耶答有成就大種亦無覆無記色非善不善色謂處卯穀若諸異生住胎藏中若生欲界住非律儀非不律儀無善不善身語表設有而失有成就大種亦善無覆無記色非不善色謂諸聖者住胎藏中若生欲界住律儀無不善身語表設有而失若住非律儀非不律儀現有不善身語表或先有不失無不善身語表設有而失若生色界有成就大種亦不善無覆無記色非善色謂生欲界住不律儀無善身語表設有而失若住非律儀非不律儀現有不善身語表或先有不失無善身語表設有而失有成就大種亦善不善無覆無記色謂生欲界住律儀現有不善身語表或先有不失若住不律儀現有善身語表或先有不

兄三

四

失若住非律儀非不律儀現有善不善身語表或先有不失設成就善不善無覆無記色彼成就大種耶荅如是若成就大種彼成就善有覆無記無覆無記色耶荅有成就大種亦無覆無記色非善有覆無記色謂麤卵殼若諸異生住胎藏中若生欲界住不律儀及非律儀非不律儀無善身語表設有而失有成就大種亦善無覆無記色非有覆無記色謂諸聖者住胎藏中若生欲界住律儀若住不律儀及非律儀非不律儀現有善身語表或先有不失若生色界現無有覆無記身語表有成就大種亦善有覆無記無覆無記色謂生色界現有有覆無記身語表設成就善有覆無記無覆無記色彼成就大種耶荅如是若成就大種彼成就不善有覆無記無覆無記色耶荅無

無記色耶荅無

兄三

五

若成就善色彼成就就不善色耶荅應作四句有成就善色非不善色謂諸聖者住胎藏中若生欲界住律儀無不善身語表設有而失若住非律儀非不律儀現有善身語表或先有不失無不善身語表設有而失若生色界亦不善色謂生欲界住律儀現有不善身語表或先有不失若住不律儀現有善身語表或先有不失若住非律儀非不律儀現有善不善身語表或先有不失有非成就善色及不善色謂麤卵殼若諸異生住胎藏中若生欲界住非律儀非不律儀無善不善身語表設有而失若諸異生生無色界若成就善色彼成就有覆無記色耶荅諸成就有覆無記色彼定成就善色或成就善色非有覆無

記色謂諸聖者住胎藏中若生欲界住律儀若住不律儀及非律儀非不律儀現有善身語表或先有不失若生色界現無有覆無記身語表若諸聖者生無色界

若成就善色彼成就無覆無記色耶答應作四句有成就善色非無覆無記色謂諸聖者

生無色界有成就無覆無記色非善色謂處卯殼若諸異生住胎藏中若生欲界住不律儀及非律儀非不律儀無善身語表設有而失有成就善色亦無覆無記色謂諸聖者住胎藏中若生欲界住律儀若住不律儀及非律儀非不律儀現有善身語表或先有不失

若生色界有非成就善色及無覆無記色謂諸異生生無色界若成就善色彼成就不善有覆無記色耶答無若成就善色彼成就不善無覆無記色耶若有成就善色非不善無覆無記色謂諸聖者生無色界有成就善色亦無覆無記色非不善色謂諸聖者住胎藏

兄三

六

中若生欲界住律儀無不善身語表設有而失若住非律儀非不律儀現有善身語表或先有不失無不善身語表設有而失若生色界有成就善色亦不善無覆無記色謂生欲界住律儀現有不善身語表或先有不失若住不律儀現有善身語表或先有不失若住非律儀非不律儀現有善不善身語表或先有不失設成就不善無覆無記色彼成就善色耶答或成就或不成就云何成就即如上說云何不成就謂生欲界住不律儀無善身語表設有而失若住非律儀非不律儀現有不善身語表或先有不失無善身語表設有而失

若成就善色彼成就有覆無記無覆無記色耶答有成就善色非有覆無記無覆無記色謂諸聖者生無色界有成就善色亦無覆無記色非有覆無記色謂諸聖者住胎藏中若生欲界住律儀若住不律儀及非律儀非不

律儀現有善身語表或先有不失若生色界現無有覆無記身語表有成就善色亦有覆無記無覆無記色謂生色界現有有覆無記身語表設成就有覆無記無覆無記色彼成就善色耶答如是

若成就善色彼成就不善有覆無記無覆無

兄三

七

記色耶答無

若成就不善色彼成就有覆無記色耶答無若成就不善色彼成就無覆無記色耶答諸成就不善色彼定成就無覆無記色有成就無覆無記色非不善色謂處外穀及住胎藏中若生欲界住律儀及非律儀非不律儀無

不善身語表設有而失若生色界

若成就不善色彼成就有覆無記無覆無記色耶答無

若成就有覆無記色彼成就無覆無記色耶答諸成就有覆無記色彼定成就無覆無記色有成就無覆無記色非有覆無記色謂生

欲界若生色界現無有覆無記身語表

諸四大種及所造色依何定滅答依四定或依未至滅尋伺有對觸依何定滅答依初定或依未至滅樂根依何定滅答依三定或依未至滅

喜根依何定滅答依二定或依未至滅苦根

憂根段食依何定滅答依未至滅捨根觸思識食依何定滅答依七定或依未至滅

諸四大種及所造色尋伺有對觸樂根喜根已斷已徧知當言住何果答阿羅漢果或無所住苦根憂根段食已斷已徧知當言住何果答不還果或阿羅漢果或無所住捨根觸

思識食已斷已徧知當言住何果答阿羅漢果

大種蘊第五中緣納息第二

大造心處根 相對緣有幾 相應造三世

世界辯成緣 大種與造色 界世為同異

四體攝識門 此章願具說

大種與大種為幾緣答因增上大種與造色

為幾緣答因增上造色與造色為幾緣答因增上造色與大種為幾緣答因增上大種與心心所法為幾緣答所緣增上心心所法與心心所法為幾緣答因等無間所緣增上心心所法與大種為幾緣答因增上大種與眼處為幾緣答因增上眼處與眼處為幾緣答

兄三

因增上眼處與大種為幾緣答一增上如眼處耳鼻舌身香味處亦亦大種與色處為幾緣答因增上色處與色處為幾緣答因增上如色處聲觸處亦亦大種與意處為幾緣答所緣增上意處與意處為幾緣答因等無間所緣增上意處與大種為幾緣答因增上大種與法處為幾緣答因所緣增上法處與法處為幾緣答因等無間所緣增上法處與大種為幾緣答因增上大種與眼根為幾緣答因增上眼根與大種為幾緣答一增上如眼根耳鼻舌身男女根亦亦大種與命根為幾緣答一增上

命根與大種為幾緣答一增上大種與意根為幾緣答所緣增上意根與大種為幾緣答因增上如意根樂苦喜憂捨信精進念定慧根亦亦大種與未知當知根為幾緣答所緣增上未知當知根與大種為幾緣答一增上如未知當知根已知根具知根亦亦

何故四大種一生一住一滅而不相應心心所法一生一住一滅說名相應答如四大種或減或增心心所法則不如是又心心所法皆有所緣四大種無所緣非無所緣法可說相應頗有過去大種造過去色耶造未來色耶造現在色耶答皆有頗有未來大種造未來色耶造現在色耶答皆有頗有未來大種造未來色耶造過去色耶造現在色耶答未有過去無

兄三

九

若成就過去大種彼成就過去所造色耶答無成就過去大種有成就過去所造色謂諸聖者住胎藏中若生欲界住律儀若住不律

儀若住非律儀非不律儀先有身語表不失
若生色界若諸學者生無色界若成就過去
大種彼未來大種耶答無成就過去未來大
種若成就過去大種彼成就未來所造色耶
答無成就過去大種有成就未來所造色謂
諸聖者住胎藏中若生欲界得色界善心若
生色界若諸聖者生無色界若成就過去大
種彼成就現在大種耶答無成就過去大種
有成就現在大種謂生欲色界若成就過去
大種彼成就現在所造色耶答無成就過去
大種有成就現在所造色謂生欲色界若成
就過去所造色彼未來大種耶答無成就未
來大種有成就過去所造色謂諸聖者住胎
藏中若生欲界住律儀若住不律儀若住非
律儀非不律儀先有身語表不失若生色界
若諸學者生無色界若成就過去所造色彼
成就未來所造色耶答應作四句有成就過
去所造色非未來所造色謂生欲界住律儀

不得色界善心若住不律儀若住非律儀非
不律儀先有身語表不失有成就未來所造
色非過去所造色謂阿羅漢生無色界有成
就過去所造色亦未來所造色謂諸聖者住
胎藏中若生欲界得色界善心若生色界若
諸學者生無色界有非成就過去所造色亦
非未來所造色謂處外穀若諸異生住胎藏
中若生欲界住非律儀非不律儀先無身語
表設有而失若諸異生生無色界若成就過
去所造色彼成就現在大種耶答應作四句
有成就過去所造色非現在大種謂諸學者
生無色界有成就現在大種非過去所造色
兄三
十
謂處外穀若諸異生住胎藏中若生欲界住
非律儀非不律儀先無身語表設有而失有
成就過去所造色亦現在大種謂諸聖者住
胎藏中若生欲界住律儀若住不律儀若住
非律儀非不律儀先有身語表不失若生色
界有非成就過去所造色亦非現在大種謂

阿羅漢若諸異生生無色界若成就過去所造色彼成就現在所造色耶答應作四句有成就過去所造色非現在所造色謂諸學者生無色界有成就現在所造色非過去所造色謂處卵殼若諸異生住胎藏中若生欲界住非律儀非不律儀先無身語表設有而失有成就過去所造色亦現在所造色謂諸聖者住胎藏中若生欲界住律儀若住不律儀若住非律儀非不律儀先有身語表不失若生色界有非成就過去所造色亦非現在所造色謂阿羅漢若諸異生生無色界

若成就未來大種彼成就未來所造色耶答無成就未來大種有成就未來所造色謂諸聖者住胎藏中若生欲界得色界善心若生色界若諸聖者生無色界若成就未來大種彼成就現在大種耶答無成就未來大種有成就現在大種謂生欲色界若成就未來大種彼成就現在所造色耶答無成就未來大

兄三

士

種有成就現在所造色謂生欲色界若成就未來所造色彼成就現在大種耶答應作四句有成就未來所造色非現在大種謂諸聖者生無色界有成就現在大種非未來所造色謂處卵殼若諸異生住胎藏中若生欲界不得色界善心有成就未來所造色亦現在

大種謂諸聖者住胎藏中若生欲界得色界善心若生色界有非成就未來所造色亦非現在大種謂諸異生生無色界若成就未來所造色彼成就現在所造色耶答應作四句有成就未來所造色非現在所造色謂諸聖者生無色界有成就現在所造色非未來所造色謂處卵殼若諸異生住胎藏中若生欲界不得色界善心有成就未來所造色亦現在所造色謂諸聖者住胎藏中若生欲界得色界善心若生色界有非成就未來所造色亦非現在所造色謂諸異生生無色界若成就現在大種彼成就現在所造色耶答

如是設成就現在所造色彼成就現在大種
耶荅如是過去大種與過去大種爲幾緣荅
因增上過去大種與過去所造色爲幾緣荅
因增上過去所造色與過去所造色爲幾緣
荅因增上過去所造色與過去大種爲幾緣
荅因增上過去大種與未來大種爲幾緣荅

因增上未來大種與未來大種爲幾緣荅因
增上未來大種與過去大種爲幾緣荅一增
上過去大種與未來所造色爲幾緣荅因增
上未來所造色與未來所造色爲幾緣荅因
增上未來所造色與過去大種爲幾緣荅一
增上過去大種與現在大種爲幾緣荅因增
上現在大種與現在大種爲幾緣荅因增上
現在大種與過去大種爲幾緣荅一增上過
去大種與現在所造色爲幾緣荅因增上現
在所造色與現在所造色爲幾緣荅因增上
現在所造色與過去大種爲幾緣荅一增上
過去所造色與未來大種爲幾緣荅因增上

兄三

十二

未來大種與過去所造色爲幾緣荅一增上
過去所造色與未來所造色爲幾緣荅因增
上未來所造色與過去所造色爲幾緣荅一
增上過去所造色與現在大種爲幾緣荅因
增上現在大種與過去所造色爲幾緣荅一
增上過去所造色與現在所造色爲幾緣荅
因增上現在所造色與過去所造色爲幾緣
荅一增上未來大種與未來所造色爲幾緣
荅因增上未來所造色與未來大種爲幾緣
荅因增上未來大種與現在大種爲幾緣荅
一增上現在大種與未來大種爲幾緣荅因
增上未來大種與現在所造色爲幾緣荅一
增上現在所造色與未來大種爲幾緣荅因
增上未來所造色與現在大種爲幾緣荅一
增上現在大種與未來所造色爲幾緣荅因
增上未來所造色與現在所造色爲幾緣荅
一增上現在所造色與未來所造色爲幾緣
荅因增上現在大種與現在所造色爲幾緣

答因增上現在所造色與現在大種為幾緣
答因增上若成就欲界繫大種彼成就欲界
繫所造色耶答如是設成就欲界繫所造色
彼成就欲界繫大種耶答如是若成就欲界
繫大種彼成就色界繫大種耶答應作四句
有成就欲界繫大種非色界繫大種謂生欲

界三

十三

界色界大種不現在前有成就色界繫大種
非欲界繫大種謂生色界不作欲界化不發
欲界語有成就欲界繫大種亦色界繫大種
謂生欲界色界大種現在前若生色界作欲
界化發欲界語有非成就欲界繫大種亦非
色界繫大種謂生無色界若成就欲界繫大
種彼成就色界繫所造色耶答應作四句有
成就欲界繫大種非色界繫所造色謂生欲
界不得色界善心有成就色界繫所造色非
欲界繫大種謂生色界不作欲界化不發欲
界語有成就欲界繫大種亦色界繫所造色
謂生欲界得色界善心若生色界作欲界化

發欲界語有非成就欲界繫大種亦非色界
繫造色謂生無色界

若成就欲界繫所造色彼成就色界繫大種
耶答應作四句有成就欲界繫所造色非色
界繫大種謂生欲界色界大種不現在前有
成就色界繫大種非欲界繫所造色謂生色
界不作欲界化不發欲界語有成就欲界繫
所造色亦色界繫大種謂生欲界色界大種
現在前若生色界作欲界化發欲界語有非
成就欲界所造色亦非色界大種謂生無色
界若成就欲界繫所造色彼成就色界繫所
造色耶答應作四句有成就欲界繫所造色
非色界繫所造色謂生欲界不得色界善心
有成就色界繫所造色非欲界繫所造色謂
生色界不作欲界化不發欲界語有成就欲
界繫所造色亦色界繫所造色謂生欲界得
色界善心若生色界作欲界化發欲界語有
非成就欲界繫所造色亦非色界繫所造色

種所造有色非色界繫非色界繫大種所造
謂欲界繫大種若色欲界繫欲界繫大種所
造若色不繫欲界繫大種所造

諸色過去彼色一切過去大種所造耶荅應
作四句有色過去非過去大種所造謂過去
大種有色過去大種所造非過去謂色未來

現在過去大種所造有色過去過去大種所
造謂色過去過去大種所造有色非過去非
過去大種所造謂未來現在大種若色未來
現在現在大種所造若色未來未來大種所
造諸色未來彼色一切未來大種所造耶荅
諸色未來大種所造彼色一切未來有色未

來非未來大種所造謂未來大種若色未來
過去現在大種所造

諸色現在彼色一切現在大種所造耶荅應
作四句有色現在非現在大種所造謂現在
大種若色現在過去大種所造有色現在大
種所造非現在謂色未來現在大種所造有

色現在現在大種所造謂色現在現在大種
所造有色非現在非現在大種所造謂過去
未來大種若色過去未來過去大種所造若
色未來未來大種所造

地云何荅顯形色地界云何荅堅性觸水云
何荅顯形色水界云何荅濕性觸火云何荅

顯形色火界云何荅煖性觸風云何荅即風
界風界云何荅動性觸

地水火風幾處所攝幾識所識荅地水火一

處所攝謂色處二識所識謂眼識意識風一

處所攝謂觸處二識所識謂身識意識地水
火風界幾處所攝幾識所識荅一處所攝謂

兄三

十六

觸處二識所識謂身識意識

大種蘊第五中具見納息第三

六色何大造 三色熟為因 化九中有七

世劫心三分 緣因緣各四 無色除色想

互攝四七九 此章願具說

已具見諦世尊弟子未離欲染所成就色界

繫身語業色何大種所造答色界繫生欲界入有漏四靜慮身語業色何大種所造答色界繫生欲界入無漏四靜慮身語業色何大種所造答欲界繫生色界入有漏四靜慮身語業色何大種所造答色界繫生色界入無漏四靜慮身語業色何大種所造答色界繫

世尊弟子生無色界所成就無漏身語業色何大種所造答或欲界繫或色界繫

無色界沒生欲界最初所得諸根大種何大種爲因答欲界繫無色界沒生色界最初所得諸根大種何大種爲因答色界繫色界沒生欲界最初所得諸根大種何大種爲因答欲界繫

生欲界作色界化發色界語彼身語色何大種所造答色界繫生色界作欲界化發欲界語彼身語色何大種所造答欲界繫化當言有大種無大種耶答當言有大種化當言有所造色無所造色耶答當言有所造色化當

兄三

十七

言有心無心耶答當言無心化當言誰心所轉耶答當言化主

中有當言有大種無大種耶答當言有大種中有當言有所造色無所造色耶答當言有所造色中有當言有心無心耶答當言有心中有當言誰心所轉耶答當言自心世名何

法答此增語所顯行劫名何法答此增語所顯半月月時年心起住滅分名何法答此增語所顯利那臘縛牟呼栗多

頗有法四緣生耶答有謂一切心心所法頗有法三緣生耶答有謂無想等至滅盡等至頗有法二緣生耶答有謂除無想滅盡等至

諸餘心不相應行及一切色頗有法一緣生耶答無

云何因相應法答一切心心所法云何因不相應法答色無爲心不相應行云何因相應因不相應法答即心心所法少分因相應少分因不相應云何非因相應非因不相應法

答即心心所法少分非因相應少分非因不相應

云何緣有緣法答若意識并相應法緣心心所法云何緣無緣法答五識身并相應法若意識并相應法緣色無爲心不相應行云何緣有緣緣無緣法答若意識并相應法緣心

心所法及色無爲心不相應行云何非緣有緣非緣無緣法答色無爲心不相應行

如世尊說內無色想觀外色云何內無色想觀外色耶答謂有苾芻起如是勝解今我此身將死已死將上舉已上舉將往冢間已往冢間將置地已置地將爲種種蟲食已爲種

種種蟲食彼於最彼不見內身唯見外蟲復有苾芻起如是勝解今我此身將死已死將上舉已上舉將往冢間已往冢間將置薪積已置薪積將爲火焚已爲火焚彼於最後不見內身唯見外火復有苾芻起如是勝解今我此身甚爲虛僞如雪或雪搏如沙糖或沙糖

兄三

十八

搏如生熟酥或生熟酥搏將爲火炙已爲火炙將融銷已融銷彼於最後不見內身唯見外火是名內無色想觀外色

如世尊說有除色想云何除色想耶答謂有苾芻起如是勝解今我此身將死已死將上舉已上舉將往冢間已往冢間將置地已置

地將爲種種蟲食已爲種種蟲食此種種蟲將散已散彼於最後不見自身亦不見蟲復有苾芻起如是勝解今我此身將死已死將上舉已上舉將往冢間已往冢間將置薪積已置薪積將爲火焚已爲火焚此焚屍火將滅已滅彼於最後不見自身亦不見火復有

苾芻起如是勝解今我此身甚爲虛僞如雪或雪搏如生酥或生酥搏如熟酥或熟酥搏將爲火炙已爲火炙將融銷已融銷此能銷火將滅已滅彼於最後不見自身亦不見火是名除色想諸無除色想皆未離色染耶答諸未離色染皆無除色想有無除色想非未

離色漆謂已離色漆而未入彼定諸有除色
想皆已離色漆耶答諸有除色想皆已離色
漆有已離色漆非有除色想謂已離色漆而
未入彼定

四識住七識住為四攝七七攝四耶答應作
四句有四非七謂地獄傍生鬼界廣果色受

十九

想行及非想非非想處受想行有七非四謂
人欲界天梵眾極光淨徧淨空無邊處識無
邊處無所有處心有亦四亦七謂人欲界天
梵眾極光淨徧淨色受想行及空無邊處識
無邊處無所有處受想行有非四非七謂地
獄傍生鬼界廣果非想非非想處心

四識住九有情居為四攝九九攝四耶答應
作四句有四非九謂地獄傍生鬼界無想天
所不攝廣果色受想行有九非四謂人欲界
天梵眾極光淨徧淨無想天四無色心有亦
四亦九謂人欲界天梵眾極光淨徧淨無想
天色受想行及四無色受想行有非四非九

謂地獄傍生鬼界無想天所不攝廣果心七
識住九有情居為七攝九九攝七耶答九攝
七非七攝九何所不攝答二處謂無想天處
及非想非非想處

說一切有部發智論卷第十三

兄三

尋伺下相臘縛上郎答反摩上音余直
反下音搏音融反食弓

阿毗達磨發智論卷第十四

兄四

尊者迦多衍尼子造 三藏法師玄奘譯

大種蘊第五中執受納息第四

十七對幾緣 對自他有八 唯對他有九
八何義內外 八門受相攝 九位十五門
現在未來修 此章願具說

乙

命